

Broj: 5-1-05-1-61/21-19  
Sarajevo, 12.03.2019. godine

Na osnovu čl. 64. stav 1. tačka b) i čl. 70. st. 1., 3. i 6. Zakona o javnim nabavkama Bosne i Hercegovine ("Službeni glasnik BiH", br. 39/14), člana 23. Statuta JP NIO Službeni list BiH, a na Prijedlog Komisije za javne nabavke o izboru najpovoljnijeg ponuđača, broj: 5-1-05-1-61/20-19 od 12.03.2019. godine u postupku nabavke fiksne i mobilne telefonije- LOT 2 usluga mobilne telefonije, direktor je donio:

**O D L U K U**  
**o izboru najpovoljnijeg ponuđača**

**I**

Prihvata se Prijedlog Komisije za javne nabavke o izboru najpovoljnijeg ponuđača, 5-1-05-1-61/20-19 od 12.03.2019. godine i ugovor za javnu nabavku fiksne i mobilne telefonije- LOT 2 usluga mobilne telefonije, dodjeljuje se ponuđaču M TEL a.d. Banjaluka, za ponuđenu cijenu od 14,39 KM (bez PDV-a), kao najbolje ocijenjenom ponuđaču.

**II**

Po pravosnažnosti ove odluke, ugovorni organ će pozvati izabranog ponuđača radi zaključenja ugovora kojim će se regulisati međusobna prava i obaveze vezane za predmetnu nabavku shodno zahtjevima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

**III**

Ova odluka će se objaviti na web stranici [www.sluzbenilist.ba](http://www.sluzbenilist.ba) istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

**IV**

Ova odluka stupa na snagu danom donošenja i dostavlja se svim ponuđačima koji su učestvovali u postupku nabavke u skladu sa članom 71. stav 2. Zakona o javnim nabavkama BiH.

**V**

Izabrani ponuđač je dužan da u roku od 5 (pet) dana od dana prijema ove odluke dostavi dokumente iz člana 45. stav (2) Zakona o javnim nabavkama BiH.

## OBRAZLOŽENJE

JP NIO Službeni list BiH (u daljem tekstu: ugovorni organ) je na osnovu Odluke o pokretanju postupka za nabavku usluge fiksne i mobilne telefonije proveo konkurentski postupak javne nabavke.

Procijenjena vrijednost nabavke bila je 15.000,00 KM (bez PDV-a) za sve LOT-ove, a obavještenje o nabavci broj: 195-7-2-22-3-4/19 objavljeno je na Portalu javnih nabavki dana 14.02.2019. godine.

Nakon isteka roka predviđenog za dostavljanje ponuda, Komisija za javne nabavke (u daljem tekstu: Komisija) je u Zapisniku o zaprimanju ponuda od 25.02.2019. godine konstatovala su u roku pristigle slijedeće ponude:

1. Ponuda ponuđača „BH TELECOM“ d.d. Sarajevo, broj protokola: 5-1-05-1-61/9-19, dostavljena 25.02.2019. godine u 11.05 sati.
2. Ponuda ponuđača „MTEL“ a.d. Banja Luka, broj protokola: 5-1-05-1-61/10-19, dostavljena 25.02.2019. godine u 11.25 sati.

U postupku analize pristiglih ponuda Komisija je u Zapisniku o pregledu i ocjeni ponuda, broj:5-1-05-1-61/19-19 od 12.03.2019. godine utvrdila da su pristigle ponude formalno prihvatljive za ugovorni organ.

Dalje, Komisija je zatražila pojašnjenje neprirodno niske cijene od ponuđača BH TELECOM d.d. Sarajevo, te je nakon što je isto dostavljeno zatražila dodatno pojašnjenje. Pojašnjenja nisu potvrdila ponuđeni popust iz ponude od 98,77%, te je zaključeno da se ponuda ponuđača BH TELECOM d.d. Sarajevo treba odbaciti.

Komisija je utvrdila rang listu ponuda prema kriterijumu za izbor ponude:

### **Kriterijum za ocjenjivanje ponude je ekonomski najpovoljnija ponuda:**

1. MTEL a.d. Banja Luka sa 100,00 bodova i ukupnom cijenom od 14,39 KM bez PDV-a.

Izabrani ponuđač MTEL a.d. Banjaluka je izabran primjenjujući kriterij ekonomski najpovoljnije ponude i cijene koja je ponuđena u iznosu od 14,39 KM (bez PDV-a), te je shodno tome dat prijedlog o izboru navedenog ponuđača kao najpovoljnijeg.

Cijeneći navedeno odlučeno je kao u dispozitivu.

## POUKA O PRAVNOM LIJEKU:

Protiv ove Odluke može se izjaviti žalba najkasnije u roku od 5 (pet) dana od dana prijema ove Odluke.

Žalba se izjavljuje Uredu za razmatranje žalbi Bosne i Hercegovine, putem ugovornog organa u pismenoj formi direktno, elektronskim putem ili preporučenom poštanskom pošiljkom na adresu: Džemala Bijedića 39, Sarajevo. Žalba se podnosi u najmanje 3 (tri) primjerka.

## DOSTAVITI:

- Svim učesnicima postupka nabavke,
- Komisiji za javne nabavke,
- a/a.

